

**Protocol da la sezzüda dal Cussagl cumünal da lündeschdi,
23 marz 2009, a las 20.00, acta 11**

Preschaints: Jon Carl Rauch; Chasper Alexander Felix, Georg Salomon,
Marianne Werro-Lehmann e Jachen Andri Schmidt

Rico Zini (protocol)

Tractandas:

85. Protocol

Il Cussagl cumünal approva il protocol da la sezzüda dals 9 marz 2009, acta 10.

Protocol

86. Orientaziuns

Orientaziuns

1. Surdar la rait electrica

Il capo orientescha chi's saja in Engiadina Bassa landervia da stübgjar da surdar las raits electricas dals cumüns ad üna organisaziun professiunala. La suprastanza dal cumüns concessiunaris gnarà invers ils cumüns culla dumonda da pudair perseguitar inavant la chosa. Il Cussagl cumünal dess far lur ponderaziuns a regard quista materia.

2. Cumischiun turistica

Il capo orientescha sur da la sezzüda a regard la cumischiun turistica da Sent. Tut part a la sezzüda han il jurist cumünal e sar Georg Buchli, il qual vaiva illa radunanza cumünala fat üna moziun (proposta) per eleger üna cumischiun turistica egual a quella da la cumischiun da fabrica. Repassond il reglamaint as haja fat ün pêr pitschens müdamaints. I's ha abinà chi's vögla eleger üna cumischiun chi tratta las robas turisticas cumünalas sco eir quellas regiunalas. Il Cussagl cumünal decida cha la cumischiun haja da consistier our da 5 persunas da las differentas spartas turisticas. Il schef da decasteri turissem, chi presidiescha quella cumischiun, survain l'incumbensa da tscherchar persunas chi's mettan a disposiziun.

3. Tour oura material da l'En

Il schef da god orientescha chi's possa uossa cumanzar a tour oura il material our dal delta da la Val d'Uina gio'n Parnarsura. Cun sar Nicola Gaudenz (Uffizi da pes-cha GR) as haja chattà ün bun sistem da lavur.

87. Permiss da fabrica – Chasa Mila Gianotti – La Motta

Sün dumonda da l'architect decida il Cussagl cumünal da dar il permiss per realisar plattas da granit per schaniar la fatschada da la chasa cun seguaintas cundiziuns:

Permiss da fabrica
Chasa Mila Gianotti,
plattas da granit,
La Motta

1. Tenor la dumonda e'ls plans fats buns ed acclus al permiss.

2. Il Cumün inchascha üna taxa da trattamaint da fr. 50.--.

89. Taila da projecziun (stanza da sezzüdas) e sriblas glüschaintas (s-chalas)

Il Cussagl cumünal decida da laschar montar üna taila da projecziun illa stanza da sezzüdas e da metter sriblas chi glüschan süls s-chaluns illa chasa Misoc. Il Cussagl conceda per la taila da projecziun ün credit da fr. 500.--.

Taila da projecziun
credit fr. 500.--

90. Veicul cumünal

Il schef da fabrica orientescha chi d'eira previs aint il preventiv cumünal da cumprar pel manader tecnic ün veicul. In dumonda vegnan duos veiculs d'ocasiun offrirts da la Garascha Zanetti, Sent.

Il Cussagl cumünal decida da cumprar ün Daihatsu pel predschi da fr. 4'800.--.

Veicul cumünal

92. Canorta / Famiglia Gronda

Il Cussagl cumünal vaiva repassà in sia sezzüda dals 2 marz 2009 il proget da la Canorta / Famiglia Gronda e remarchà cha'l preventiv da gestiun stess amo gnir otpimà, voul dir ch'üna Canorta regiunala as stess portar svessa (in oters lös eir pussibel). Il maniamaint cha Zernez ha exprimi cha firmas e privats (sponsurs) as partecipeschan landervia vain dal Cussagl cumünal sustgnü. Il Cussagl cumünal decida da deponar quista proposta pro la PEB amo avant la radunanza regiunala da la PEB chi ha lö als 7 avrigl 2009.

Canorta

93. Diversas schefs

1. Proget da la Schombra

Il schef da god orientescha cha la protecziun civila gnia cun 20 persunas (3 dis) a far lavurs d'interess public. Il Cumün ha da surtour be la marena.

Implü vegnan 30 – 35 giarsuns, da differentas spartas da lavur, dals 5 – 9 lügl 2009 eir a lavurar illa Schombra. Il Cussagl cumünal decida da metter a disposiziun il mangiar e'l dormir. Ils cuosts da ca. fr. 10'000.-- vegnan inchargiats al proget da la Schombra.

Diversas schefs

2. Tir da Parnarsura

Georg Salomon, president da la società da chatschaders Tardanna, dumonda co ch'id es il stadi actual da la sanaziun dal tir da Parnarsura. El ha in venderdi üna radunanza da la società e vess gugent orientà als commembers sur dal stadi dal proget.

Il schef da fabrica orientescha cha'l Chantun nu fetscha plü uschè squitsch e chi's haja 5 ons temp da far talas sanaziuns. Tenor el però füssa da trar tras plü svelto pussibel quista sanaziun. Georg Salomon es eir da quist avis. Chasper Alexander Felix piglia sü contact cul Chantun per survgnir indicaziuns plü precissas a regard il termin d'execuziun.

3. Sanaziun dals bügls

Ils Sturnels vessan gugent da cumanzar quist on cullas sanaziuns dals bügls. Il preventiv da cuosts ais calculà sün fr. 85'000.--. Il cumün vaiva asgürà fr. 40'000.-- (fr. 20'000.-- l'on) ed ils Sturnels pajan fr. 10'000.--. Il Chantun contribuìscha fr. 17'000.-- (20 %), uschè chi resta amo fr. 18'000.-- da spartir sü (bravraduoiras). Las lavuors vegnan executadas tenor üna glista da prioritats.

4. Trafo Tufera

Il trafo da Tufera ais in ün nosch stadi ed ha üna jada da gnir sanà. Per evitar cuosts enorms propuona il schef d'energia da metter aint il s-chav da la sauaziun, chi vain eret quista stà a Spinatscha, duos büschens vöds. Uschè as pudessa plü tard tachar la stalla da sar Horber e la chasa da sar Schaper vi dal trafo da la Spinatscha. Il Cussagl cumünal es perinlet cha'l schef da fabrica guarda culla cumischiun d'amegliaziun cha quels tübs vegnan miss aint il s-chav.

5. Planisaziun cumünala

Il schef da fabrica orientescha al Cussagl cumünal ch'el haja in venderdi üna sezzüda a regard la planisaziun cumünala. El vess gugent da savair che cha'l cumün voul realisar a regard las 1. e 2. abitaziuns. Il Cussagl cumünal manaja da chattar üna varianta chi nu blocca daltuot la fabrica da 2. abitaziuns ma chi promouva al istess mumaint eir 1. abitaziuns per indigens. Il böt es da chattar ün compromiss per tuot ils interess dal cumün.